

# Communicaziun a las medias BCG

## La statistica da giaglioffa dal Grischun:

### «Durchblick 2015 – Graubünden in Zahlen»

Cuira, ils 11 da november 2015 – La statistica da giaglioffa «Durchblick 2015 – Graubünden in Zahlen» da la Banca Chantunala Grischuna e da l'Uffizi per economia e turissem dal Grischun è cumparida. Cun cifras actualas, tabellas survesaivlas e graficas attractivas illustrescha la brochura il svilup demografic, economic e social da noss chantun.

Il Grischun sa chatta en ina fasa da midadas structuralas. Il 2016 entra en vigur la nova concepziun cumplexsiva da la gulivaziun da finanzas interchantunala. Il medem mument cumenzan cun la realisaziun da la refurma territoriala las indesch novas regiuns cun lur activitad operativa. Questa reorganisaziun s'exprima er en intginas tabellas da la statistica da giaglioffa da quest onn «Durchblick 2015 – Graubünden in Zahlen».

Ultra da quai cumpiglia la publicaziun era datas infurmativas, tranter auter davart las midadas e la constellaziun da la populaziun residenta dal Grischun, davart la structura economica e la structura d'abitar, il svilup da las rentas, il stadi da furmaziun u las entradas da taglia.

La statistica da giaglioffa «Durchblick 2015 – Graubünden in Zahlen» pon ins retrair gratuitamain a tut ils spurtegls da la Banca Chantunala Grischuna e tar l'Uffizi per economia e turissem dal Grischun. Ina versiun electronica en tudestg stat a disposiziun sco datoteca PDF sut [www.gkb.ch/publikationen](http://www.gkb.ch/publikationen) sco era sut [www.awt.gr.ch](http://www.awt.gr.ch).

#### Contact per collavuratur da medias:

Banca Chantunala Grischuna, Medias & Investor Relations, Chascha postala, 7002 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa l'053 collavuraturas e collavuratur (stadi dals 30-06-2015). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuira. La Banca Chantunala Grischuna è participada a la Banca Privata Belleive SA ed a la Private Client Bank SA a Turitg. En il rendaquint semestril preschenta ella cun ina summa da bilantscha da CHF 22,696 milliardas in gudogn brut consolidà da CHF 98,5 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2015: 12 da favrer 2016

Radunanza dals participants: 19 da mars 2016

---

